



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), Skupština Brčko distrikta BiH, na 38. redovnoj sjednici održanoj 8. februara 2023. godine, usvaja

ZAKON
O IZMJENAMA I DOPUNAMA ZAKONA O POLICIJI
BRČKO DISTRIKTA BOSNE I HERCEGOVINE

Član 1

U Zakonu o Policiji Brčko distrikta Bosne i Hercegovine (Službeni glasnik Brčko distrikta Bosne i Hercegovine, broj: 18/20 – prečišćeni tekst, 41/20 i 6/21) u članu 21 stavovi 5 i 6 mijenjaju se i glase:

- „(5) Šef Policije ima jednog zamjenika i pomoćnika.
(6) Zamjenik i pomoćnik za svoj rad odgovaraju šefu Policije.“

Član 2

U članu 22 stavu 1 tačka v) mijenja se i glasi:

„v) nadzire rad i daje godišnju ocjenu rada zamjenika i pomoćnika šefa Policije (u daljnjem tekstu: pomoćnik) ocjenama: ne zadovoljava, zadovoljava, dobar, vrlo dobar ili izvrstan;“.

Član 3

U članu 24 stav 2 se briše.

Član 4

Iza člana 24 dodaju se novi članovi 24a i 24b koji glase:

„Član 24a
(Pomoćnik)

- (1) Nadležnosti pomoćnika su da:
a) izvršava poslove iz člana 23 stava 1 tačke a) ovog zakona, ukoliko je zamjenik spriječen;
b) koordinira poslovima Policije na operativnom nivou;
c) obavlja i druge poslove i zadatke utvrđene Pravilnikom o unutrašnjoj organizaciji.
(2) Na postupak biranja i imenovanja pomoćnika primjenjuju se odredbe Šestog dijela Odjeljka B ovog zakona, osim sadržaja tačke d) u članu 38 Zakona u dijelu vremena provedenog u činu glavnog inspektora.
(3) Na postupak smjene pomoćnika primjenjuju se članovi 50 i 51 ovog zakona.
(4) Na postupak utvrđivanje disciplinske odgovornosti pomoćnika primjenjuju se članovi: 52, 53, 54, 55, 56, 57, 58, 59 i 60 ovog zakona.
(5) Nakon isteka mandata pomoćnika, policijski službenik koji je bio imenovan za pomoćnika, raspoređuje se na radno mjesto policijskog službenika u Policiji za koje je potreban čin glavnog

inspektora.

Član 24b (Zastupljenost)

Šef Policije, zamjenik i pomoćnik ne mogu biti iz istog konstitutivnog naroda.“

Član 5

U članu 27 stav 2 mijenja se i glasi:

„(2) Nezavisni odbor:

- a) objavljuje javni konkurs za radno mjesto šefa Policije, zamjenika i pomoćnika;
- b) predlaže gradonačelniku:
 - 1) kandidate za šefa Policije, zamjenika i pomoćnika,
 - 2) smjenu šefa Policije, zamjenika i pomoćnika;
- c) razmatra prijedlog:
 - 1) za smjenjivanje šefa Policije, zamjenika i pomoćnika prije isteka mandata,
 - 2) šefa Policije za smjenu zamjenika i pomoćnika;
- d) ocjenjuje rad šefa Policije.“

Član 6

U članu 29 stav 1 tačka b) mijenja se i glasi:

„b) da u roku za dostavljanje prijave koji je naveden u javnom konkursu, nije navršio 66 godina života;“.

Član 7

U članu 36 stav 10 mijenja se i glasi:

„(10) Predsjednik je dužan sazvati sjednicu Nezavisnog odbora najkasnije:

- a) tri mjeseca prije isteka mandata šefa Policije, zamjenika ili pomoćnika;
- b) 15 dana nakon smjene šefa Policije, zamjenika ili pomoćnika.“

Član 8

U članu 37 stav 3 mijenja se i glasi:

„(3) Izuzetno, odluka o izboru, prijedlog o smjeni šefa Policije, zamjenika i pomoćnika i godišnjoj ocjeni rada šefa Policije su doneseni ako za njih glasa najmanje pet članova.“

Član 9

Član 48a mijenja se i glasi:

„Član 48a (Nespojivost sa službenim dužnostima)

(1) Šef Policije, zamjenik i pomoćnik ne mogu zauzimati položaj, vršiti funkciju ili aktivnost nespojivu s njihovim službenim dužnostima, a posebno:

- a) ne mogu biti nosioci niti kandidati za bilo kakvu javnu funkciju;
- b) ne mogu obavljati nikakvu dodatnu aktivnost uz naknadu, osim uz odobrenje gradonačelnika;
- c) ne mogu biti članovi političke stranke niti slijediti uputstva političkih stranaka.

(2) Šefu Policije, zamjeniku i pomoćniku prestaje radni odnos kada se prijave kao kandidati za izbornu javnu funkciju ili od trenutka kad su imenovani na položaj unutar bilo kojeg organa vlasti u BiH u skladu s odredbom stava 1 tačke a) ovog člana, osim u slučaju imenovanja na poziciju

rukovodioca i zamjenika rukovodioca policijskih organa u BiH.

(3) Šef Policije, zamjenik i pomoćnik nakon imenovanja, u skladu s ovim zakonom daju informacije o funkcijama i djelatnostima koje vrše oni i članovi njihove uže porodice, kao i podatke o imovini kojom oni ili članovi njihove uže porodice raspolažu.

(4) Članovi uže porodice, u smislu stava 3 ovog člana, jesu bračni ili vanbračni partner šefa Policije, zamjenika ili pomoćnika, njihovi srodnici po krvi u pravoj liniji, usvojitelj i usvojenik, staratelj i štitićenik, te dijete bračnog partnera, tj. pastorak.

(5) Svi podaci iz stava 3 ovog člana pohranjuju se u kadrovskoj evidenciji Policije u skladu sa zakonom i podzakonskim aktima o zaštiti ličnih podataka.“

Član 10

Ovaj zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine.

Broj: 01-02-525/23

Brčko, 8. 2. 2023. godine

PREDSJEDNIK
SKUPŠTINE BRČKO DISTRIKTA BiH
Mr. sci. Siniša Milić